



Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonalno tužilaštvo Srednjobosanskog
kantona/Kantonalno tužiteljstvo Središnja Bosna
Travnik

Broj: T06 0 KT 0036707 25
Travnik. 29.10.2025. godine

OPĆINSKI SUD U TRAVNIKU
Sudiji za prethodno saslušanje

Na osnovu člana 45. stav 2. tačka i), člana 241. i 242. Zakona o krivičnom postupku Federacije Bosne i Hercegovine („Službene novine Federacije BiH“, broj 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14 i 74/20 – u daljem tekstu „ZKP FBiH“), podižem:

OPTUŽNICU

Potvrđena dana 03.11.2025. godine

Protiv:

1. E. B.
2. S. D.
3. S. B.

Što su:

Dana 28.10.2024. godine, oko 03,00 sati u ulici Aleja Konzula bb, općina Travnik, fizički napali oštećenog D. M., na način da je oštećeni D. M. sa svojom suprugom M. M. došao do barake gdje su stanovali S. D. i A. D., M. sinovi, gdje je došlo do verbalne prepirke između D. M. i E. B. nakon čega je E. B. zadao jedan udarac šakom D. M. u predjelu lica zbog čega ga je D. M. odgurno od sebe i napustio baraku dok su odmah za njim krenuli E. B., S. D. i S. B. i zadali mu više udaraca rukama u predjelu glave i na taj način ga oborili na tlo, a potom su mu sva trojica dok je ležao na tlu zadali više udaraca nogama i rukama po čitavom tijelu, svjesni da ga na taj način mogu tjelesno ozlijediti, što su i htjeli, čime su na takav način oštećenom D. M. nanijeli lake tjelesne ozlijede u vidu uboja u predjelu leđa i koljena i glave te krvne podlive u predjelu desne ušne školjke,

dakle, drugog lako tjelesno ozlijedili.

Čime su počinili krivično djelo Laka tjelesna ozljeda iz člana 173. stav 1. Krivičnog Zakona FBiH u vezi sa članom 31. KZ FBiH.

V.D. Zamjenik glavnog kantonalnog tužioca

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom